





TEXAS TENDERGRILL®
Afl. 10.95
VM Afl. 15.95

NEW TEXAS BBQ

TEXAS WHOPPER®
Afl. 10.95
VM Afl. 15.95



Condecoracionan Real entrega diabierna



ORANJESTAD (AAN): Un total di 16 persona a ricibi condecoracion real diabierna ultimo for di man di Gobernador Fredis Refunjol, representando Cas Real. Prof. G.W. Rutgers Buitengewoon Hoogleraar na Universidad di Corsou, biba na Aruba a ricibi medaya di Officer in de Orde van Oranje Nassau pa su promocion di ciencia y enseñanza na Aruba, Corsou y internacionalmente. E ta e persona cu a pone literatura Hulandes Caribense den luz internacional. Sra. M.C. Bunyan periodista di television cu a biba na Aruba a haya condecoracion di Ridder in de orde van Oranje Nassau, mescos cu actriz y autora Sra. Carmen Kock- Herrera y Sra. Lucia Kelly cu mas di 40 años a traha riba tereno di

desaroyo social di comunidad Arubano y a publica algun buki relaciona cu esaki, y di nos custumbenan y normanan di nos pais. Sra. Kock - Herrera ta reconoci pa su pasion pa teatro, y musica, actriz, productora y directora di diferente obra teatral cu tema riba concientizacion di pueblo riba topiconan cu tinmester di atencion di comunidad y el a representa Aruba den exterior na varios ocasion. Esnan cu a ricibi condecoracion como Lid in de orde van oranje Nassau ta Sra. S.M.S. F. Arends cu den su tempo liber ta asisti otronan, organiza actividadnan pa hendenan solitario y biudanan, mamanan soltera y damanan cu ta biba nan so y ta fundadora di Cas di Oracion y eynan ta duna tambe

bijles na mucha y scol di diadomingo.

Sra. L.M. Carrion, Zuster Luci, ta traha hopi den comunidad na bienestar di muchanan. E ta activo riba tereno di grupo hubenil Fe y Alegria, un grupo di liturgia cu a prepara misa di mucha diadomingo mainta por completo y ademas ta duna les pa comunión.


Sr. J.M.A. Grovell cu desde 1977 ta traha cu KIA y debi na su persistencia, gana di siña mas y fieltad, a promove pa diferente rango y funcion den su trabao y semper ta bay e miya extra. Sra. E.R. Harms ta traha mas di 20 años na Merca riba proyectonan relaciona cu muchanan maltrata y tame ta traha cu e organizacion Big Brothers and Big Sisters y ta ocupa su mes pa paz, husticia y harmonia entre razanan como voluntario di organizacion di Martin Luther King jr.


Sr. R.M. Kock su bida ta conoci pa mundo musical. El a hunga un papel crucial den mantencion di musica di steelband riba nos isla y ta comparti su conocimiento cu otronan y yuda mantene steelpan di otronan.

Sra. M. de Korte for di 11 años di edad ta involvi cu Padvinders na Aruba y ta hunga un papel importante tambe den misa catolico di Savaneta. E trabaonan aki ta yude den su dedicacion na esnan cu mester di yudanza, esnan malo di salud y esnan den necesidad.

Sr. R.S. Leysner den su trabao y pafó di su oranan di trabao ta tene su mes ocupa cu deporte. E ta organiza eventonan deportivo, ta den directiva di varios bond, ta entrenador di diferente club y den e cuadro aki ta duna les di gymnastiek na diferente scol den cuadro di "ban move 30 minuut".

Sigui Lesa Pag. 7





Continuacion Pagina 6

Sra. H.U. Mohamed a co-fundadora di Stichting CVA Aruba (Cerebro Vascular Accident-Aruba) y ta traha profesionalmente cu personanan cu debi na un atake di cerebro ta pasa den fase dificil di bida. Como ex patient di experiencia e sa kico e malesa aki ta encera.

Sr. J. r. Quijada, na 1974 tabata fundador di FAVI (Fundacion Arubano pa esnan Visualmente Incapacita) cu tabata tin e nomber anteriormente di Blindenzorg Aruba. El a nace cu problemanan di bista y tabata tin deseo di funda un stichting pa esnan ciego y cu problema di bista. E fundacion ta existi 40 aña y tur e tempo ey Sr. Quijada a keda activo.

Sr. L.R. Ras ta inspiracion a otronan riba tereno musical y deporte. El a forma parti di diferente agrupacion musical y ademas ta entrena hubentud na Pos Chikito.



Sra. N.D. Croes desde 1980 ta shofer sin sueldo di FAVI y ademas ta koster, cantor, maestra di ceremonia y lider di gruponan di oracion di parroquia Fatima.

Finalmente tin tambe Sra. J. M. Kelly cu a wordo condecora tambe y kende desde 2000 ta traha como coordinadora den thuiszorg (sin sueldo) cerca stichting KWF (Koningin Wilhelmina Fonds Kankerbestrijding) E ta ademas co fundadora y ex miembro di directiva di Wit Gele Kruis.

